

آبونه سرائطی

ممالك عثمانیه ده سته لکی (۶۵) آلتی ،
یلدی (۳۵) غروشدیر
ممالك اجنبیه ده سته لکی (۱۷) آلتی
ایلدی (۹) قراندیر .

اداره خانه

باب عالی جاده سنده دائرة مخصوصه

اخطارات

آبونه بدلی پیشیندر .

§

مسلكه موافق آثار مع الممنونیه قبول
اولنور . درج ابدله یزیرلر اعاده
اولونماز .

الشرق

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

اشرف ادیب

باش محرر

محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

جلد ۱۳

۸ كانون ثانی ۱۳۳۰

پنجشنبه

۵ ربیع الاول ۱۳۳۳

عدد ۳۶۳

نفسیه شریفه

بسم الله الرحمن الرحيم

« فلا تطع الكافرين وجاهد هم به جهاداً كبيراً »

بونظم کریم الهی حضرت قرآن حکیمک «فرقان» عنوان جلیل
الشانیله ممتاز اولان سورده سنک (۵۴) نجی آیتیدر . بالخاصه ذات اقدس
جناب رسالت پناه اعظمی به « علیه الصلاة والسلام » خطاباً جلالت
بخش نزول اولمشدر .

مال منیق

... ایمدی -- ای اشجع الرسل ! -- کافرلره صاقین سرفروایتمه .
(رب) کک عون ونصرینه صیغینه راق آنلره قارشی سل سیف جهاد
ایله ! کال بطش وشدتله چارپیش ! او آزعینلری سرلرزمین مغلوبیت
ومقهوریت ایتمهک چالیش !

کرچه بوآیت جلیله ده مخاطب ، ظاهراً جناب سلطان اقلیم
رسالت « علیه الصلاة والسلام » افدیمز حضرتلری ایسه لرده حقیقتده
مقصود ، امت محترمه لریدر . آنلری اعدای دینه ، خصمای حقه
سرفروندن ، زنجیر اسارت وذلترینه کردنداده انقیاد اولمهدن تحریماً
نهی ایله جهاد و قتاله تشجیع و تحریصدر . بوقسه خالقه معصیتده مخلوقه
اطاعتدن منع بویوران شهنشاه کشور نبوت و رسالت « علیه الصلاة
والسلام » افدمن حضرتلری ایچین قطعاً متصور دکلددر .

دیمک اولیورکه : بوازی خطاب سبحانی ایله مخاطب ، جهاد اکبرله
خلافت مقدسه اسلامیه نک و او ، سریر عزت پایهی حامل اولان عثمانلی
طاق معلاى استقلالک بی امان دشمنلری قهر و تدمیر ایدنجهیه قادر

اخطارات

رساله مزدن آلتدیغی کوسترملک شرطیه
بتون یازیلر هر هانکی برغن ته طرفندن
اقتباس اولونه بیلیر .

§

مکتوبلرک ، امضالری واضح و اوقوناقلی
اولسی و آبونه صره نوم و سنی محتوی
بولونمسی لازمددر .

§

ممالك اجنبیه ایچون آبونه اولانلرک
آدرس لرینک فرانسجه ده یازلسی رجا
اولنور .

§

پاره کوندرلدیکی زمان نه په دائر اولدیغنه
واضحاً بیلدیرلسی رجا اولنور .

بوتون موجودیتلریله ، بوتون مال و جانلریله چارپیشماقله مکلف ، یر
یوزنده کی مسلمانلرددر .

بز ، مسلمانلر نه ایسته یوردق ؟ جناب خیرالناصریندن ، کوز
یاشلریله نه بی تمفی ایدیوردق ؟ خلافت جلیله محمدیه نک « علیه الصلاة
والسلام » اسلامیتک بریجک عرش استقلالی اولان سلطنت معظمه
عثمانیه نک ، زنجیر اسارت آلتده ایکله ین عالم اسلامک موسقوف تحکم
وحشیانه سندن ، انکلز و فرانسز تجبر ملعونانه سندن قورتولمسی دکلی ؟
ایشته جناب قهار منتقم بومستثناء بونامسبوق فرصتی بز ه احسان
بویوردی ، ایشته قرآن حکیم : « هایدی مال و جانکزله جهاد اکبره !
هایدی دشمنلریکزدن اخذنار میدانلرینه ! » دیبور . جناب خیرالناصرین
بز آلمانیا کی ، آوستریا کی ذی قدرت وشوکت اولدق قری قادر بوکون
محب اسلامیت ، مدافع حقانیت وعدالت ، خادم انسانیت ایکی ظهور
ومتفقده احسان بویوردی . دهانه ایسته یورز ؟

حضرت قرآن حکیمک بونجه آیات جهادی ، بونجه اوامر اهدا
وارشادی قائمزی آتشنلدریمکه ، روحمزی آلوندیریمکه ، بز هیمنزی
بردن غزا میدانلرینه سوقه کافی ایکن برده شوایکی محترم متفقلریمک
هرکون برصورتله تجلی وتوالی ایتمکه اولان شانی غالییت ومفظریتلری
حیت وشهامت دامارلریمزی غیجیقلایه میورمی ؟

بوکون برلین ، ویانه : بوتون آلمانیا ، بوتون آوستریا هلال احمرلر
تشکیل ایدیور ، بونلره آلتون ، کومش یاغموری یاغدیریور ؛
قافقاسیاده انسان بونی آشان قارلری ، کوز آچدیرمایان تیپلری ،
قاصرغلری ، کردبادلری ، بوزلری استیخفاف ایله اسلامیتک ، عثمانلیلرک
ازلی وابدی دشمنی اولان موسقوف جانواریلر چارپیشماقده ، آنلری ازمکه ،
محو ایتمهک چالیشماقده اولان جیش منصور اسلامک معزز حیاتی
دوشونیور ، قیشلق البسلر حاضرلایور ، کوندیریور ، انسانیت ،
مدنیت نامنه بونی بروظیفه عد ایدیور ...

مال شریفی

(الله جل وعلا حضرت تلوینک بارگاه عزتندن استعانه قصیدیه کلن)
مسافر ایلیچیلر اوچدر : غازی ، حاجی ، معتمر (یعنی عمر دیه کیرمش
کیمسه)
بوحدیث شریفی ابو هریره رضی الله عنه روایت ایتشدرد . مخرجلری نسائی
ایله ابن حبان وحاکندر .
بهیقینک روایتده (اولئک الذین یسألون الله فیعطیهم سؤالهم)
زیاده سی وارددرکه : « ایشسته یونلر او محترم ذواندرکه الاهدن نه نیاز
ایدرلرسه دیلککری احسان اولونور . » دیمکدر .

حدیث شریف

عن فضالة بن عیید قال سمعت رسول الله صلى الله عليه وسلم يقول
انا زعيم والزعيم الجليل لمن آمن بي واسلم وهاجر بي في ربض الجنة
وبيت في وسط الجنة وانا زعيم لمن آمن بي واسلم وجاهد في سبيل الله
وبيت في ربض الجنة وبیت في وسط الجنة وبیت في اعلى غرف الجنة
من فعل ذلك فلم يدع لآخر مطلباً ولا من الشر مهراً يموت حيث شاء
ان يموت

مال شریفی

فضالة بن عیید رضی الله عنہک شویله دیدیکی روایت اولونور :
رسول الله صلى الله عليه وسلمك (برکره) شویله بویوردقلریخی
ایشیتدم : بن زعیم - زعیم حیل یعنی کفیل دیمکدر - [۱] هرکیم بکا
ایمان ایدوب مسلم اوپور و هجرت ایدرسه جنتک اطرافده بر وجنتک
تا اورتسندد دیگر بر او صاحبی اولاجقدر . کذلک بکا ایمان ایدوب
مسلم اولان وفی سبیل الله جهاده کیندن کیمسه ایچون بری جنتک
کنارنده ، بری جنتک اورتاسنده ، دیکری ده جنتک اک عالی یرلرنده
اولمق اوزره بر اؤک کفیلیم . هرکیم یونلری یاپوبده ایشلنمه دکه
خیر ، قاجیلما دق شر بر اقا زسه (آرق غم یسونده) ایشسته دیکری
رده اولسون .

بوحدیث شریف سنن نسائی حدیثلرنندرد .

حدیث شریف

غزوة في البحر مثل عشر غزوات في البر والذي يسدر في البحر
كلمت شحط في دمه في سبيل الله سبحانه .

مال شریفی

دکیز اوستنده کی غزائک اجر ومثونی قاره ده کی اون غزائک اجر
ومثوبته معادلدر . هرهانکی برغازینک دکیزده باشی دوزسه فی سبیل الله
حرب ایدوب قاننده غلطان اولان مجاهد قدر نائل ثواب اولور .
بوحدیث شریفی ابن ماجه مباریه بن یحیی طریقله ابوالدرداء رضی الله عنہدن
روایت ایتشدرد .

احمد نعیم

[۱] زعیمک حیل ایله تفسیری فن حدیثده مذکور ایشده راویلردن برینک
تفسیری اولماسی عقله دها یقیندر . زعیم ، حیل ، کفیل هب برمنایه در .

حالبوکه بو ، بزه الک مهم ، الک مقدس بر فرمان آتیدر . الک مبرم ،
اک عاجل بر امر قرآیدر .
بز مسلمانلر که بالخاصه بوکون بوتون مال و جائزله قانمزک صوک
قطره سننه قدر آقیماق ویا اسلامیتی یوکسلتمک اوزره جهاد ایله
مأمورز ؛ حضور تاریخه محترم متفقلریزک کوستردیکلری عینی علوی
دویغولرله ، عین مقیاسده غلبه لر ، ظفرلر ، شان و شرفلرله حیقامازسه ق
یازیق بزم طاشیدیمز اسلامیت عنوانه !

محمد فخرالدین

حدیث شریف

حدیث شریف

من اغبرت قدماء في سبيل الله فهو حرام على النار

مال شریفی

هرکیم الله یولنده چالیشمه اوغرندد آیاقلری غبار آلود اولورسه
جهنم آتشنه حرام اولور .

حدیث شریفک راویسی ابوعیسی عبدالرحمن بن جبر رضی الله عنہدر . مخرجلری
امام احمد بن حنبل ، بخاری ، ترمذی ، نسائی در .

حدیث شریف

غدوة في سبيل الله اوروحة خير مما طلعت عليه الشمس وغربت

مال شریفی

الله یولنده کی برصباح ویا براقشام سفری اوزرنده کونش طوغوب
باتان هر نه وارسه جمله سنی اتفاق ایتکدن اولادر .
بوحدیث شریفک راویسی ابویوب خالد بن زید الانصاری رضی الله عنه اولوب ،
مخرجلری امام احمد بن حنبل ، مسلم و نسائی در .

حدیث شریف

ثلاثة كلهم حق على الله عز وجل عون المجهاد في سبيل الله والناكح
الذي يريد العفاف والمكاتب الذي يريد الاداء

مال شریفی

اوچ کشتی وارددرکه هر برینه یار دیم ایتک الله عز وجل حضرت تلو
اوزرینه حقدرد : بری فی سبیل الله مجاهد ، دیکری عنتنی محافظه قصیدیه
ولئک ایشته ین ، اوچنجهیمی ده افندیسه بورجی اوده مک نیتده اولان
عبد مکاتب .

حدیث شریفک راویسی ابو هریره رضی الله عنہدر . مخرجلری امام احمد
بن حنبل ، ترمذی ، نسائی ، ابن ماجه وحاکندر .

حدیث شریف

وفد الله عز وجل ثلاثة الغازی والحاج والمعتمر